



UNIVERSITÄTS-
BIBLIOTHEK
PADERBORN

**Pauli Laymanni e Societate Iesu Jus Canonicum
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

Laymann, Paul

Dilingae, 1698

Capitulum II. Ex Gestis.

[urn:nbn:de:hbz:466:1-62482](#)

34 Decret Greg. Lib. III. Tit. IV. Capit. II.

NOtandum. Episcopus propriâ auctori-
tate non potest deferere Ecclesiam, seu
Episcopatum suum, & alium acceptare.
De hoc agitur in lib. I. *Decretalium de
translatione Episcopi*, ad quem locum ca-
pitulum istud potius, quam huc pertinet.

CAPITULUM II. Ex Gestis.

PARAPHRASIS.

Anastasius Presbyter Cardinalis tituli S. Marcelli quinque annis ab Ecclesia sua se absentavit in alienis terris moratus, & quamvis à Leone IV. Pontifice, ter vel quater revocatus esset, tamen venire pertinaciter recusavit, ea propter Pontifex eum excommunicavit; & cùm necdum respicere vellet, in Concilio Romano Anno 853. tub Lothario & Ludovico filio Imperat, cum sexaginta septem Episcopis congregato, depositus, hac prolatâ sententiâ: Anastasium jam nuper excommunicatum presbyterum tituli S. Marcelli, qui propriam parochiam relinques in alienâ per multa tempora nititur immorari, à Sacerdotali ministerio modis omnibus removeamus, ita ut locum restitutionis nunquam inveniat. Videri potest Baron. in eundem annum. n. 35. & Tom. 3. p. 1. f. 2. Conciliorum Coloniensium fol. 392.

SUMMARIUM.

1. Curati beneficiati stricte ad residentium in suo beneficio obligati, quam alij, sub excommunicationis pena ad residentium adigi possunt, juxta antiquos canones, & si non resipuerint, privari etiam & deponi à suis beneficiis possunt.
2. Lex penal in privatione consistens, ante sententiam declaratoriam criminis etiam obligat.
3. Explicatur pluribus Tridentina constituto, de pena non residentium.

NOtandum. Qui curatum beneficium obtinent, stricte, quam alij beneficiarij, obligantur ad residentiam personalem; quam ob rem secundum canones antiquos sub excommunicationis poenâ adigi possunt ad residentium, & curam sibi commissi gregis gerendam, *juxta can. 16. concilij primi Nyceni*; aut si contumacia hominis respicere, ac redire nolentis, exposcere videatur, privationis vel depositionis perpetua poena irrogari potest, uti hic apparet, & in *Concilio Antiocheno tertio can. 3.* neque discrepat *Trident. sess. 6. c. 1. de reformatione*. ubi de ijs, qui Ecclesia Cathedrali præsunt, decernitur, si absque justis & rationabilibus causis per sex continuos menses, extra suam Diœcesin morando, abfuerint, quartæ partis fructuum unius anni, fabricæ Ecclesia, vel pauperibus applicandorum, privationis poenam ipso Jure incurant; si per alios sex menses absint, allam quartam partem similiter applicandam amittant; crescente vero contumacia, qui absens permanet, Romano Pontifici denunciandus sit. Et in *sess. 23. c. 1. de reformatione* habetur. Si Cathedrali Ecclesia cuiuscunq[ue] præsidens, ultra duos aut summum tres menses (seclusa necessitate, sive causa rationabili, eaque notoriâ, vel à superiore in scriptis approbadâ) abfuerit, pro rata temporis absentie fructus suos non faciat, sed ij fabricæ Ecclesia, vel pauperibus debeat applicari; eadémque similiter de parochis, & quibuscunq[ue] inferioribus curatis intelligenda esse dicitur; quare & ipsi si ultra bimelte tempus abfuerint (nisi ex causa gravi longius absentia tempus ad Episcopo suo impetraverint) fructum restitutionem facere tenentur, & ad id ab Episcopo compelli possunt. Præterea adjungitur, quod si per edictum citati (parochi) etiam non personaliter contumaces fuerint, vult Synodus liberum esse Ordinarijs per censuras Ecclesiasticas, sequestrationem, & subtraktionem fructuum, aliisque Juris remedia etiam usque ad privationem compellere.

Corolla-

Corollarium. Licet ordinariè loquendo lex pœnalis etiam ipso Jure lata non obliger delinquentem ad executionem sine Judicis latem declaratoria condemnatione, prout docim lib. 1. tract. 4. c. 15. n. 3. excepti tamen debet, nisi lex, videlicet Ecclesiastica, consistat in privatione, faciens aliquem inhabilem v. g. ad fructus beneficij sui; si non residet, hoc casu in conscientia, & ante omnem Judicis sententiam, aut declarationem, fructus restituere cogitur, sicuti lex pœnalis postulat, prout expressè habetur in cit. eff. 23. c. 1.

Pro maiore intellectu & praxi Tridentini Concilij constitutionum, maximè eff. 23. c. 1. hac considerari possunt. Primo discrimen est inter Episcopos, & Parochos, aliòsve seculares curatos, quod illi per annum unum duobus aut tribus mensibus, seu continuè, seu interruptim à Diœcesi sua abesse possint, sine gregis sui detrimento, & ex causa justa, cuius rei examen & judicium ipsorum conscientijs relinquuntur: at vero inferiores curati, seu parochi, si tempore aliquo notabili à parochia abesse velint, Episcopi, seu Vicarij ejus licentiā indigent, qui non nisi causâ prius cognitâ, & probatâ, in scriptis concedere debeat, quæ est probabilior interpretatio D. D. & ipsorum Cardinalium apud Garziam p. 3. c. 2. n. 19. Lefl. l. 2. c. 34. N. 159. Placetum in praxi p. 2. c. 3. n. 34. contra Navar. in Man. c. 25. n. 121. Rodri. in Summa tom. 2. c. 38. in fine. Quem sequi videatur Azor. tom. 2. lib. 7. c. 4. q. 9. C. 10. ubi dicit, quod etiam Parochus perditos, aut tres menses in anno absque licentia Episcopi abesse possit, ab Ecclesia sua, ex causa justa, quæ ipsi talis videbitur, ita tamen, ut greci seu populus spirituali jacturam non patiarit idque propter verba Concilij in cit. c. 1. quod, qui aliquantipenitentium sunt, non videntur abesse, quia statim reversuri sunt; id vero tempus modicum, seu moderatum absentie Synodus definit esse duos vel summum tres mentes; postea vero subjungit

eadem, quæ antea de Episcopis & Archiepiscopis dicta sunt, de Parochis, aliisque inferioribus secularibus curatis accipienda esse. Quod postea dicitur, discedendi licentiam Parochis causâ per Episcopum cognitâ, non ultra duos mentes, nisi ex causa gravi concedendam esse, intelligunt DD. isti, de alijs mensibus præter duos aut tres, ipsorum Parochorum conscientijs relictos.

Ego licet fatetur, textum Concilij dubium videri posse, tamè magis placet, mentem fuisse Concilij, si Parochi tempore aliquo continuo, eoque notabili abesse debent, id sine Episcopi licentiâ, causâ prius cognitâ, & probatâ, ipsis permittendum non esse, propterea etiam quia pro tali tempore v. g. trium vel quatuor septimanarum non est ipsis concessum, ut suo arbitratu vicarium constituant, sed is ab Ordinario seu Episcopo constituentur est, sicuti ex eodem cap. 1. colligitur, & tradit Sanch. lib. 3 de matr. diff. 31. n. II. Rebuff, in praxi, ubi de dispensatione super non residentia n. 14. dicit, quod curatus, si ex causa justa abesse velit, vicarium propriâ auctoritate constitue possit, ad tempus, modicum videlicet, quod ad tres hebdomades non extendatur arg. cap. Si quis, 2.9. causa 7. q. 1. ubi dicitur, quod presbyter, si per tres hebdomades, vel in selemioribus festivitatibus ab Ecclesia absuerit, puniendus sit. Vide etiam, quæ docui in diff. de jurisdictione Ordinarij con. 151.

Et hæc spectato communii Jure: consultissimum verò est, in his ad cuiuscunque Diœcesis statuta, vel consuetudines attendere; & in hac quidem Augustana Diœcesi in decretis Synodalibus p. 3. c. 13. n. 24. habetur: Ab Ecclesia sua nullus discedat, licentiâ prius non obtentâ, quam ad unam hebdomadem dare poterit Decanus, ad longius tempus reservatam volumus Vicario nostro Generali. Ubi obiter adverte, tempus longum, aut breve absentia diversimodè æstimari, respectu diversorum locorum, statorum, ac personarum; quare licet Tridentinum absentiam duorum, aut

trium mensium in Episcopis non censuerit longam , tamen in Parochis longa videri potest , quia tanto tempore Vicarium ipse met substituere non debent , sicuti Episcopus potest Vicarium in Diœcesi relinquere.

Alterum considerandum . Quando in *edem c. 1.* dicitur , Episcopum non nisi ex causa gravi licentiam dare posse curato discedendi ab Ecclesia sua , ultra duos menses , non potest facilè definiri , quænam causa gravis censeri debeat , sed ex varijs circumstantijs , ejusdem Episcopi seu Ordinarij arbitrio , id permittendum . Quandoquidem gravitas aut levitas , non nisi intellectus discretione , consideratis omnibus , ponderari , & judicari potest . Quare non arbitror universim verum esse , quod docet *Garz. cit. loco c. 2. n. 40. Piasetius n. 35.* & reperitur in *Concil. Mediolanensis quinto p. 3. tit. de residentia* , non esse causam sufficientem , ut Parochus ab Ecclesia sua ultra duos menses absit propter officium Visitatoris , Vicarij , aut Inquisitoris , ipsi ab Episcopo demandatum .

Sed contrarium docet *Nav. consl. 15. hoc tit. edit. 2.* eo scilicet argumento , quia etiam Jure antiquo , à quo recedendum non est , absque Jure novo , contrario , & expresso *I. præcipimus 32. C. de appellationibus semper permisum fuit* , ut Parochus ex justa causa ab Ecclesia sua abeslet , sicuti habetur in *cap. 4. hoc tit.* id autem non sustulit Tridentinum , cum in *cit. c. 1.* petmittat , ut ex causa gravi Episcopus ultra duos menses absentia licentiam det . Poteſt autem causa gravis videri , si in aliqua Diœcesi pro aliquo tempore non adſint alij idonei ad visitandum , inquirendum , aut Vicarij (loquitur de Generali Vicario) minus sustinendum , præter curatos , in eorum autem locum facilè , & sine Ecclesiarum detrimento Vicarij substitui possint ; neque fuit mens Concilij magis bonum cupiſcunque Diœcesis impediſtre velle . Sed tamen recte colligitur *ex cit. c. 1.* non facile , aut levi de causa , si videlicet alij Clerici idonei haberi , vel accersiri possint , Parochos .

suis Ecclesijs avellendos , aliisque Diœcesis officijs applicandoſe esse , ita ut Parochia interim per Vicarios administrentur .

Tertium . Concilium in *cit. c. 1. verbis* valde generalibus poenam privationis fructuum ipso Jure , & absque ulla declaratione incurrendam statuit , si quis contra hujus decreti constitutionem absuerit . Veruntamen cum haec poena gravis sit , cum ratione objecti , videlicet fructuum , secundum proportionem temporis absentiae amittendorum , tum ratione modi , ut aliquis in conscientia ante omnem etiam declaratoriam Judicis condemnationem fructus restituere cogatur ; infuper sit Juris noviter constitutum spectato antiquo Jure , etiam naturali , curatus absque legitima causa ab Ecclesia sua recedens , ad fructuum restitutionem non obligetur secundum *Sylv. V. Clericus 4. q. 23. Azor. 10. 2 lib. 6. c. 6. q. 6.* id est Confessarius severè agere non debet cum curatis , qui de absentia non legitima se accusant , sed ante omnia considerandum , num ex absentia detrimentum commissæ plebi illatum sit ; si nullum , aut non estimabile illatum fuit , esto causa absentiae sufficiens non fuerit , aut modus eius impietandi non legitimus , censeri potest , tam gravi poena canonice locum non esse , vel saltem ea severitate Tridentinum non esse receptum , præterea cum *Garz. cit. c. 6. n. 52. Graffis in decisionibus lib. 2. c. 57.* universi dicant , si Parochus substitutum , pro se abente , relinquat , locum non esse dictæ poena privationis fructuum ipso Jure interrogatæ ; sin autem absentia non tantum illegitima , sed etiam notabiliter pernicioſa fuit , quia nullo constituto Vicario plebe deserta , tali cauſa proventus temporis absentiae correspondentes , Parochio subduci portere , ad fabricam Ecclesie , aut pauperum ejus loci sustentationem , sicuti Tridentinum Concilium requirit , & per se validum est , atque id est in praxi deducendum .

Capi-